

IZVJEŠTAJ O RADU UDRUŽENJA

u 2022. godini

- Još od septembra mjeseca 2021. realizuju se aktivnosti na potpisivanju MEMORANDUMA O SURADNJI PROVINCIJE TRENTO I TUZLANSKOG KANTONA što je inicirano od strane tadašnjeg premijera Vlade Tuzlanskog kantona Hodžića. Pripremljen je prijedlog Tuzlanskog kantona, koji je dostavljen u Provinciju Trento. Vijećnik Alex Marini je predlagač realizacije memoranduma o saradnji i zahvaljujući njegovim naporima i inicijativama memorandum će biti predstavljen Vladi provincije Trento sa prijedlogom da se isti prihvati i uspostavi zvanična saradnja dvije regije. U toku 2022. godine memorandum nije bio potpisan, a zastoj je u Provinciji Trento i njihovim organima upravljanja.
- Članovi udruženja, na poziv udruženja Italijana Banja Luka, učestvovali su u obilježavanju drugog Festivala italijanske kulture INSIEME. Festival je sadržavao premijeru opere „Služavka gospodarica“ 11.2.2022, panel prezentaciju udruženja Italijana u regiji „Italijani na Balkanu“, prvu reprizu opere „Služavka gospodarica“, zajedničku večeru sa ambasadorom Italije u BiH dana 12.2.2022. i sastanak sa članovima Udruženja Italijana Banja Luka 13.2.2022. godine.
- Na poziv OSCE ureda u Tuzli, 15.2.2022. u Hotelu Garden – Hotel Tuzla održan je sastanak predstavnika OSCE sa pet udruženja ne-romskih nacionalnih manjina koja djeluju u Tuzli. Povod sastanka je nedavno saopštenje za javnost kojim pet udruženja nacionalnih manjina izražavaju protest zbog ignorantskog odnosa Gradskog vijeća Tuzle prema tuzlanskim udruženjima nacionalnih manjina. U toku 2022. održan je još jedan sastanak sa OSCE i još četiri sastanka udruženja ne-romskih nacionalnih manjina u Tuzli.
- UGIP „Rino Zandonai“ i klub Trentina bili su izlagači na dvodnevnom Međunarodnom sajmu turizma i ekologije "LIST" u Lukavcu. Nastup udruženja je imao primarnu ulogu promociju turističkih potencijala regije Trentino, ali i djelovanja udruženja Italijana u tuzlanskoj regiji.
- UGIP „Rino Zandonai“ i klub Trentina bili su učesnici dvodnevnom Međunarodnom sajmu turizma i gastrokulture “Bijeljina-turist 2022”, a na sajmu se predstavilo više od 70 izlagača iz BiH, Crne Gore i Hrvatske. Organizator Sajma je Turistička organizacija grada Bijeljina, a pokrovitelj Grad Bijeljina. Na sajmu je prezentovana za besplatnu degustaciju italijanska gastro ponuda.
- Ambasada Republike Italije u BiH koju predvodi ambasador Marco Di Ruzza, upriličila je 2. juna svečanost povodom velikog italijanskog praznika - Dana Republike. Festa della Repubblica u Sarajevu ubilježena je prijemom u Domu oružanih snaga BiH, kojoj je prisustvovao predsjednik udruženja i veliki broj zvanica iz diplomatskog, političkog, kulturnog i javnog života u BiH.
- Predstavnici UGIP „Rino Zandonai“ učestvovali su u mirnoj šetnji posvećenoj žrtvama genocida u Srebrenici. Neformalna grupa građana, okupljena oko ideje – Kako da u Tuzli na dostojanstven način obilježi dvadeset i sedam godina od genocida u Srebrenici i pruži podršku preživjelim organizovala je „Mirnu šetnju 8372 za Srebrenicu“, koja je održana u nedjelju 10.7.2022. godine.
- Na poziv Grada Tuzla, udruženje je prisustvovalo obilježavanju Dana ustanka naroda Bosne i Hercegovine protiv fašizma 27. jula. Obilježavao se kao dan sjećanja na prve akcije ustaničkih jedinica na tlu Bosne i Hercegovine, tačnije na napad ustanika na Drvar i Bosansko Grahovo. Predstavnicu udruženja je položila cvijeće na spomen obilježje borcima 2. svjetskog rata.

- U okviru projekta „Peruška u šeširu“ sašiveno pet pari (ženskih i muških) narodnih nošnji sjeverne Italije, nabavljeni šeširi i ostali elementi trentinske narodne nošnje. Nošnje su promovisane 3.9. kada je održan defile u nošnjama kroz grad, neposredno prije održavanja Dana italijanske kuhinje u Tuzli 2022. Za javnost i medije nošnje su promovisane 8.12.2022. godine u Ateljeu Ismeta Mujezinovića Tuzla.
- Zaustavljene aktivnosti oko iznalaženja prostora koji bi kupio Trentini nel mondo za potrebe tuzlanskog udruženja. Nakon višemjesečnih aktivnosti iznalaženja prostora i pregovora između Trentini nel mondo i udruženja „Rino Zandonai“, zbog pravnih poteškoća moralo se odustati od ideje kupovine prostora. Iako je asocijacija Trentini nel mondo obezbijedila 40.000 EUR za kupovinu prostora, cjelokupna ideja je ostala nerealizovana i nije izvjesno da li će se pojaviti neka druga slična opcija.
- U saradnji MdM – Ljekari svijeta i UGIP „Rino Zandonai“, realizovana je izložba "Migracije: Tragovi koji ostaju" u Gradskoj galeriji u Bihaću, 1. septembra 2022. godine. Na izložbi su izložene, sa tuzlanske strane, fotografije i diplome italijanskih obitelji koje su došle u Tuzli, i većinom ostale u Tuzli. MdM se predstavio radovima koje su migranti radili u Bihaću i Sarajevu u okviru psiho-socijalne podrške koju pruža MdM. Ista izložba je predstavljena u Tuzli 1.10.2022. u Galeriji Mandžić. Izložba je pripremljena u sklopu projekta „Klizna vrata“ – Sliding Doors, u okviru programa Evropa za građane u kojem je tuzlansko udruženje Italijana jedan od partnera. Izložba je posljednja aktivnost udruženja koja se realizuje u projektu Klizna vrata, koji se zvanično završio 31.10.2022. godine.
- U Tuzlu povodom Dana italijanske kuhinje 2.9.2022. godine stigla italijanska delegacija predvođena Walterom Kaswalderom – premijerom provincije Trento u pratnji ministara, savjetnika, uprave asocijacije Trentini nel mondo, profesionalnih kuhara i simpatizera udruženja iz Italije. Delegacije su imale sastanke sa Svjetlanom Zamboni, predsjedavajućom općinskog vijeća Maglaj, gradonačelnikom Tuzle Imamovićem, gradonačelnikom Lukavca Delićem i ministrima u vladi Tuzlanskog kantona – Duraković i Mijatović. Teme sastanka su vezane za uspostavu kvalitetnije saradnje regije Trentino i Tuzlanskog kantona, a posebno na nivou lokalnih zajednica Maglaja, Tuzle i Lukavca.
- Po 13 put održana manifestacija „Dan italijanske kuhinje u Tuzli 2022“. Manifestacija je održana 3.9.2022. u dva dijela. U prvom dijelu, koji je počeo u 18.30, članovi udruženja u narodnim nošnjama i članovi GKUD Bosna su prošetali gradom, Kaswalder je položio cvijeće na Kapiji, i nakon dolaska na Trg, GKUD Bosna su izveli dvije igre. U drugom dijelu, koji je počeo u 19 sati, bila je degustacija jela koje su pripremile članice udruženja i italijanski kuhari koji su došli da se pridruže manifestaciji. U neka doba pridružio se i ambasador Italije u BiH Marco Di Ruzza. Manifestacija je medijski najavljena i praćena, a finansijsku podršku dali su Grad Tuzla, Turistička zajednica Grada Tuzla i Trentini nel mondo.
- Četiri člana udruženja učestvovala na seminaru UNAIE – EZA koji je organizovao Trentini nel mondo na temu “Green Deal: sara una transizione sostenibile?”. Seminar je održan u Levico Terme (Trento) u periodu 4.-6. novembar 2022. Seminar je tematski bio fokusiran na pitanja obnovljivih izvora ali i na problematiku neriješenih pitanja tretmana vjetrenjača i njihove reciklaže, kao i druga pitanja zamjene klasičnih motora alternativnim izvorima energije.
- U cilju realizacije izložba Leonarda Lebeničnik u Tuzli, UGIP „Rino Zandonai“ Tuzla i Centar za kulturu Tuzla potpisali su sporazum kojim se potvrđuje zajednička organizacija izložbe radova – instalacija tuzlansko-trentinskog umjetnika Leonarda Lebeničnik. Izložba je planirana da bude otvorena 2.6.2023. u okviru obilježavanja 30 godina djelovanja udruženja Italijana u Tuzli i Dana Republike Italije.

- Udruženje UGIP „Rino Zandonai“ je organizovalo izložbu fotografija i dokumenata u Lukavcu kojima se pokazuje prošlost i kulturno naslijeđe italijanskih obitelji koje su dolazile u Tuzlu i okoline i koje su živjele, a i danas žive, u Lukavcu i drugim mjestima u blizini Tuzle. Izložba pod nazivom „Italijanski korijeni“ je bila postavljena u izložbenom dijelu Doma kulture od 18.11.2022. do 28.11.2022. godine.
- Model manifestacije „Dan italijanske kuhinje u Tuzli“ uspješno je multipliciran u Gradu Lukavac. Grad Lukavac je finansijski podržao manifestaciju koja je realizovana kao svojevrsno iznenađenje za građane Lukavca koji su, zajedno sa Gradonačelnikom Lukavca Delićem i direktorom Centra za kulturu Lukavac velikodušno prihvatili manifestaciju. Manifestacija je otvorena 18.11.2022. godine od 18 sati i holu Doma kulture Lukavac. Manifestaciju je otvorio gradonačelnik Lukavca Delić, a nakon njega prisutnima se obratio direktor Centra za kulturu Lukavac i predsjednik udruženja Italijana.
- UGIP „Rino Zandonai“ Tuzla organizovao je prezentaciju djela „Božanstvena komedija“ velikog spjeva Dante Alighieria i prvih grafičkih ilustracija na temu Božanstvene komedije koje je radio Federico Zuccari. Prezentacija djela i izložba je održano 21.12.2022. godine u Domu književnosti Tuzla.

FINANSIJSKI IZVJEŠTAJ za 2022. godinu

Udruženje je uredno prijavilo godišnji obračun za 2022. godinu kod nadležne Porezne uprave Tuzla. Bilans uspjeha pokazuje rezultat primitka sredstava u iznosu od 19.407,00 KM. Bilans stanja pokazuje iznos sredstava koji je ostao na raspolaganju 31.12.2022. godine: a to je 6.411,00 KM. Početkom godine promijenjena je poslovna banka, a time i broj bankovnog računa.

Kao i svake godine, izvori sredstava su projektni fondovi od domaćih i inostranih donatora.

- Ministarstvo za kulturu sport i mlade Tuzlanskog kantona dodijelilo grant u iznosu od 2000,00 KM za realizaciju projekta „Sjaj zidova galerije“.
- Grad Lukavac dodijelio grant u iznosu od 2.900,00 KM dodijeljen je za realizaciju projekta „Dani italijanske tradicije i kulture u Lukavcu 2022“.
- Grada Tuzla dodijelio grant u iznosu od 4.000 KM za realizaciju projekta „Peruška u šeširu“.
- Trentini nel mondo je finansijski podržao Dan italijanske kuhinje udruženja Italijana u Tuzli sa 500 EUR.
- Grada Tuzla dodijelio grant u iznosu od 1.400 KM za realizaciju manifestacije „Dan italijanske kuhinje u Tuzli 2022“.
- Turistička zajednica Grada Tuzla dodijelila grant u iznosu 1.000,00 KM za realizaciju manifestacije „Dan italijanske kuhinje u Tuzli 2022“.
- EU uplatio 60% za projekat „Klizna vrata“ u iznosu od 3,852,20 KM.
- Prenešeno sa starog KM računa (NLB banka) na novi račun (UNION banka) 400,00 KM i 3.171,30 KM.
- Prihod od članarine iznosi 200 KM.

Sredstva socijalne pomoći se ne realizuju preko računa Udruženja nego se isplate vrše direktno na račune korisnika. Udruženje nema poreskih dugovanja.